



治河通

考

本府藏板

治河通考序



惟禹貢職方之言導濬

經辨之跡鴻濶巨偉矣

固聖人拯世範後參天

繫地神理昭寓後世凡

職紀載者依焉然溝洫
地理郡國水利漢以來
冊籍或有志有考顧於
大河無專紀豈非括細
遺大使後之嗣禹蹟者

何稽乎余嘗北涉趙魏
之間九河故蹟西踰成
皋鴻溝觀龍門鑿處南
循淮濱出口梁則喟然
歎河之爲

國家利害大矣夫安流
順軌則漕輓駛裕奔瀆
壅溢則數省驛騷

國家上都燕薊全藉東
南之賦故常資河以濟

運又防其衝阻乃經理
督治必撫臣是寄其視
前代豈不益重哉河雖
經數省然自龍門下趨
則梁地當其衝始又壤

善漬故河之患於河南
爲甚余受

命來撫茲土固慄慄以河
爲至慮防治稍悉民頗
奠又間閱近時所刻治

河總考疎遺混複字半
訛舛其肇作之意固善
惜其未備晰也乃命開
封顧守符下謫許州判
官劉隅重加輯較彙分

序次一卷曰河源考二
卷曰河決考三卷之九
卷曰議河治河考末卷
曰理河職官考上沂夏
周下迄今日總十卷更

題之曰治河通考庶幾
覽者易於探檢有所式
則以奏平成之勛

聖主之憂顧四方之屯溺
或從是以紓而愚之重

責亦少塞焉其仍有未
備則以俟後之淵博大
智者爾

賜進士出身嘉議大夫都
察院右副都御史奉

敕巡撫河南等處地方松
陵吳山書



序畧

先曾大父少保公治河通考總十卷撫中州時所
輯板藏開封公署年世遞遠茂績易淹至後世思
紹前休者無繇捧讀遺編殊深慨焉則古人有善
弗知與知而弗傳者竊爲之恥耳况煌煌著述有
禕

當宁者哉憶曾大父初仕時卽諫止

武廟南巡

詔廷跪杖聲名振天下光耀乎史冊迨撫河南勅宗

藩之不法黜臨漳爲庶人而觸忤永嘉左遷浙江
叅議歷拜秋卿直節詰奸不避貴倖有權臣武定
郭助怙勢將變言官舉其罪上之

世宗敕廷臣議瞻望靡決曾大父獨陳其大逆論棄
市廼斃助於獄免官就道嗟乎昔高祖尚書公司
寇留都會寧河後爭所賜田宅倚閹瑾爲援下法
司覈之公執法不撓而被搆於逆豎卓然爲朝紳
景仰曾大父首發不軌之謀終復蒙辜於權威蓋
忠貞世濟艱險備嘗勁節雖完精力瘁矣未至彭

城七十里終於利國監驛時大父輩罹此大戚匍
匐籲

闕賴

穆宗臨御得被

清問褒卹殊章再進官銜復蒙錄廕沒後寵榮不知
所以爲報也嗚呼公雖身死而有不可朽者惟此
書耳雖然猶有感焉曾大父立朝幾四十載性命
理學靡所不究文章著作冠於當時今皆散逸不
能成帙行世者僅斯編與尚書奏議故特重付剞

刷公諸海內以存曾大父經業之萬一俟理河者採擇焉


崇禎戊寅冬十一月朔

南京刑部江西清吏司郎中曾孫士顏百拜謹識



黃河圖





大名縣

商胡宋時決此

大名府 道故禹

開州 漢時決此

宣防官 漢築今廢

衛河

大伾 道故禹

滑縣

酸棗 漢時決此

長垣

集勝 杜

陳橋鎮

嘉靖十四年 築新

儀封 護城

考城

蔡丘

睢 護城 築新

嘉靖七年 新開今盛

柘 護城 築

陳留 護城 築

通許

鄆陵

正統間 黃河

鹿邑

柘城

渦河

金末 黃河

項城

大康

成化末 黃河

陳州

南頓

元末黃河今塞

潁河



商水

衛輝

胙城

中樂鎮

新鄉

沁河入衛 衛 獲加

陽武

古陽天堤

修武

思村

太行

沁河

太行

開封

護城

原武

成化前 引沁從梁清口

廣武

武陟

溫

大黃河

滎澤

滎陽

汜水

汜河

朱仙鎮

孫家渡

正統十三年全河從北南徙先是弘治二年塞後累開累塞

中牟

新鄭

長葛


許州



潁水 源



尉氏



扶溝

鄆城









治河通考卷之一

資政大夫太子少保刑部尚書前巡撫河南等處地方都察院右副都御史吳山輯

河源考

夏書禹貢

導河積石至于龍門南至于華陰東至于底音砥柱

又東至于孟津東過洛汭至于大伾北過洛音降水

至于大陸又北播為九河同為逆河入于海

蔡傳曰河自積石三千里而後至龍門經但一

書積石不言方向荒遠在所畧也龍門而下因

其所經記其自北而南則曰南至華陰記其自南而東則曰東至底柱又詳記其東向所經之地則曰孟津曰洛汭曰大伾又記其自東而北則曰北過泲水又詳記其北向所經之地則曰大陸曰九河又記其入海之處則曰逆河自洛汭而上河行于山其地皆可考自大伾而下垠岸高于平地故決齧流移水陸變遷而降水大陸九河逆河皆難指實然上求大伾下得碣石因其方向辨其故迹則猶可考也

程氏曰自洛汭以上山水名稱迹道古今如一自大伾以下不特水道難考雖名山舊嘗憑河者亦復不可究辨非山有徙移也河旣變遷年世又遠人知新河之爲河不知舊山之不附新河輒竝河求之安從而得舊山之真歟

西漢書張騫傳

漢使窮河源其山多玉石采來天子案古圖書名河所出山崑崙云

西漢書西域志

西域中央有河其河有兩原一出葱嶺山下一出于闐于闐在南山下其河北流與葱嶺河合東注蒲昌海蒲昌海一名鹽澤者也去玉門陽關三百餘里廣袤三百里其水停居冬夏不增減皆以爲潛行地下南出于積石爲中國河云

山海經

崑崙山縱橫萬里高萬一千里去嵩山五萬里有清河白河赤河黑河環其墟其白水出其東北陔屈向東南流爲中國河河百里一小曲千里一大

曲發源及中國大率常然東流潛行地下至規期山北流分爲兩源一出葱嶺一出于闐其河復合東注蒲昌海復潛行地下南出積石山西南流又東迴入塞過燉煌酒泉張掖郡南與洮河合過安定北地郡地流過朔方郡西又南流過五原郡南又東流過雲中西河郡東又南流過上都河東郡西而出龍門汾水從東於北入河東卽龍門所在龍門未開河出孟門東大溢是謂洪水禹鑿龍門始南流至華陰潼關與渭水合又東迴砥柱砥柱

山名河水分流包山而過山見水中若柱然今陝州東河北陝縣三縣界及洛陽孟津所在至鞏縣與洛水合成臯與濟水合濟水出河北至王屋山而南截河渡正對成臯又東北流過武德與沁水合至黎陽信都信都今冀州絳水所在絳水亦曰潰水一曰漳水鉅鹿之北遂分爲九河鉅鹿今邢州大陸所在大陸澤名九河一曰徒駭二太史三馬頰四覆釜五湖蘇六簡七絮八鉤盤九鬲津又合爲一河而八海濟栢公塞九河以廣田居故館

陶具丘廣川信都東光河間以東城池九河舊跡猶存漢代河決金隄南北多罹其害議者常欲求九河故跡而穿之未知其所是以班固云自茲距漢以亡其八枝河之故潰自沙丘堰南分也出焉故尚書稱導河積石至于龍門今絳州龍門縣界南至于華陰北至于砥柱東至于孟津在洛北都道所奏古今以爲津東過洛汭至于大伾洛汭今鞏縣在河洛合流之所也大伾山今汜水縣卽故成臯也山甬成曰伾北過水至于大陸其絳水今

冀州信都大陸澤名今邢州鉅鹿又北播爲九河
同爲逆河入海是也同合出九河又合爲一名爲
逆河逆行也言海口有潮汐潮以迎河水

水經 酈道元注

崑崙墟在西北

三成爲崑崙丘崑崙說曰崑崙之山三級下曰
樊桐一名板松二曰玄圃一名闔風上曰層城
一名天庭是謂太帝之居
去嵩高五萬里地之中也

禹本紀與此同高誘稱河出崑山伏流地中萬
三千里禹導而通之出積石山按山海經自崑
崙至積石一千七百四十里自積石出隴西郡
至洛準地志可五千餘里

河水出其東北陬

春秋說題辭曰河之爲言荷也荷精分布懷陰
引度也釋名曰河下也隨地下處而通流也考
異郵曰河者水之氣四瀆之精也所以流化元
命苞曰五行始焉萬物之所繇生元氣之腴液

也孝經援神契曰河者水之伯上應天漢風俗
通曰江淮河濟爲四瀆四瀆通也所以通中國
垢濁白虎通曰其德著大故稱瀆

屈從其東南流入于渤海

山海經曰南卽從極之淵也一曰中極之淵深
三百仞唯馮夷都焉括地圖曰馮夷恒乘雲車
駕二龍河水又出於陽紆陵門之山而注於馮
逸之山

又出海外南至積石山下有石門河水冒以西南
流河水又南入葱嶺山

河水重源有三非爲二也一源西出捐毒之國
葱嶺之上西去休循二百餘里皆故塞種也南
屬葱嶺高千里西河舊事曰葱嶺在燉煌西八
千里其山高大上生葱故曰葱嶺也

又西逕罽賓國北

月氏之破塞王南君罽賓治循鮮城土城平和
無所不有金銀珍寶異畜奇物踰于中夏大國
也

又西逕月氏國南又西逕安息南與覓羅跋禰水
同注雷轟海

釋氏西域傳曰覓羅跋禰出阿耨達山西之北
逕于闐國漢書西域傳曰于闐以西水皆西流
注于西海

又西逕四大塔北又西逕陀衛國北河水又東逕
皮山國北其一源出于闐國南山北流與葱嶺河
合東注蒲昌海

又西北流注于河

卽今所謂北注葱嶺河也

南河又東逕于闐北

釋氏西域記曰河水東流三千里至于闐屈東
北流者也漢書西域傳曰于闐已東水皆東流

南河又東北逕杆彌國北又東逕且末國北

北河又東北流分爲二水枝流出焉北河自踈勒
逕流南河之北

北河又東逕莎車國南

治莎車城西南治去蒲黎一百四十里漢武帝

開西域田於此有鐵山出青玉

北河之東南逕溫宿國

治溫城上地物類與鄯鄯同北至烏操赤谷六百一十里東通姑墨二百七十里於此枝河右入北河

北河又東逕姑墨國南

入姑墨川水注之導姑墨西北赤沙山東南流逕姑墨國西治南至于闐馬行十五日

河水又東逕注賓城南又東逕樓蘭城南而東注

河水又東注于沕澤

卽經所謂蒲昌海也水積鄯鄯之東北龍城之西南龍城故姜賴之靈胡之大國也蒲海溢盪覆其國城基尚存而至大晨發西門暮達東門澮其岸岸餘溜風吹稍成龍形皆西面向海因名龍城

又東入塞過燉煌酒泉張掖郡南

河水又自東河曲逕西海郡南

河水又東逕允川而歷大榆谷北

又東過隴西河關縣北洮水從東南來流注之
河水又東北流入西平郡界左合二川南流又河
又東逕石城南左合北谷水又東北逕廣違城北
又合烏頭川水河水又東臨津溪水注之東逕赤
岸北洮水注之又東過金城允吾榆中天水安定
北界麥田山河水東北流逕於黑城北又東北高
平川水注之又北過北地富平縣西
以後俱逕晉地

又南出龍門口汾水從東來注之南逕子夏石室
又南至華陰潼關渭水從西來注之河水歷船司
空與渭水會河水又東北玉澗水注之又東過砥
柱間河之右則嶠水注之河水又東千嶠之水注
焉又東過平陰縣北又東至鄧清水從西北來注
之又東逕平陰縣北河水右會淇水河水又東過
平陰縣北湛水從北來注之河水又東
河水又東逕洛陽縣北河水又東淇水入焉又東
沛水注焉又東過鞏縣北洛水從縣西北流注之

又東過成臯縣北濟水從北來注之
河水東逕成臯大伾山下南對玉門又東合汜水
又東逕五龍塢北又東過滎陽縣浪蕩渠出焉
河水又東北逕卷之扈亭北德縣東沁水從之東
至酸棗縣西濮水東出焉河水又東北通謂之延
津又逕東燕縣故城北則有濟水自北來注之
河水又東淇水入焉又東逕遮害亭南又右逕滑
臺城又東北過黎陽縣南自津東北逕涼城縣又
東北逕伍子胥廟南又東北爲長壽津

至于大陸北播于九河

以後俱逕衛魯趙地北入海

元史河源附錄

河源古無所見禹貢導河止自積石漢使張騫持
節通西域度玉門見二水交流發葱嶺趨于闐匯
鹽澤伏流千里至積石而再出唐薛元鼎使吐蕃
訪河源得之於悶磨黎山然皆歷歲月涉艱難而
其所得不過如此世之論河源者又皆推本二家
其說怪誕總其實皆非本真意者漢唐之時外夷

未盡臣服而道未盡通故其所往不無迂回艱阻不能直抵其處而究其極也元有天下薄海內外人迹所及皆置驛傳使驛往來如行國中至元十七年命都實爲招討使佩金虎符往求河源都實旣受命是歲至河州州之東六十里有寧河驛驛西南六十里有山曰殺馬關林麓窮隘舉足浸高行一日至巔西去愈高四閱月始抵河源是冬還報并圖其城傳位置以聞其後翰林學士潘昂霄從都實之弟濶濶出得其說撰爲河源臨川朱思本又從公八里吉思家得帝師所藏梵字圖書而以華文譯之與昂霄所志互有詳畧今取二家之書考定其說有不同者附注于下按河源在吐蕃朶甘思西鄙有泉百餘泓沮洳散渙弗可逼視方可七八十里履高山下瞰燦若列星以故名火敦腦兒火敦譯言星宿也

思本曰河源在中州西南直四川馬湖蠻部之正西三千餘里雲南麗江宣撫司之西北一千五百餘里帝思撒思加地之西南二千餘里水

從地涌出入井其井百餘東北流百餘里匯爲
大澤曰火敦腦兒

羣流奔轅近五七里匯二巨澤名阿刺腦兒自西
而東連屬吞噬行一日迤邐東驚成川號赤賓河
又二三日水西南來名赤里出與赤賓河合又三
四日水來南名忽闌又水東南來名也里朮合流
入赤賓其流浸大始名黃河然水猶清人可涉

思本曰忽闌河源出自南山其地大山峻嶺綿
亘千里水流五百餘里注也里出河也里出河

源亦出自南山西北流五百餘里與黃河合

又一二日岐爲八九股名也孫幹倫譯言九渡通
廣五七里可度馬又四五日水渾濁土人抱革囊
騎過之聚落糾木幹象舟傳髦革以濟僅容兩人
自是兩山峽束廣可一里二里或半里其深叵測
朶甘思東北有大雪山名亦耳麻不莫刺其山最
高譯言騰乞里塔卽崑崙也山腹至頂皆雪冬夏
不消土人言遠年成冰時六月見之自八九股水
至崑崙行二十日

思本曰自渾水東北流一百餘里與懷里火禿
河合懷里火禿河源自南山正北偏西流八百
餘里與黃河合又東北流一百過卽麻哈地又
正北流一百餘里乃折而西北流二百餘里又
折而正北流一百餘里又折西而東流過崑崙
山下番名亦耳麻不刺其山高峻非常山麓綿
亘五百餘里河隨山足東流過撒思家卽闕闕
提地

河行崑崙南半日又四五日至地名闕卽及闕提

二地相屬又三日地名哈刺別里赤兒四達之衝
也多寇盜有官兵鎮之近北二日河水過之

思本曰河過闕提與亦西八思今河合亦西八
思今河源自鐵豹嶺之北正北流凡五百餘里
而與黃河合

崑崙以西人簡少多處山南山皆不穹峻水益散
漫獸有髦牛野馬狼狽羱羊之類其東山益高地
益漸下岸狹隘有狐可一躍而越之處行五六日
有水西南來名納隣哈刺譯言細黃河也

思本曰哈刺河自白狗嶺之北水西北流五百餘里與黃河合

又兩日水南來名乞兒馬出二水合流入河

思本曰自哈刺河與黃河合正北流二百餘里過河以伯站折而西北流經崑崙之北二百餘里與乞里馬出河合乞里馬出河源自威茂州之西北岷山之北水北流卽古當州境正北流四百里折而西北流又五百餘里與黃河合

河水北行轉西流過崑崙北一向東北流約行半月至歸德州地名必赤里始有州治官府州隸吐蕃等處宣慰司司治河州又四五日至積石州卽禹貢積石五日至河州安鄉關一日至打羅坑東北行一日洮河水南來入河

思本曰自乞里馬出河與黃河合又西北流與鵬撈河合鵬撈河源自鵬撈山之西北水正西流七百餘里通禮塞塔失地與黃河合折而西北流三餘里又折而東北流過西寧州貴德州馬嶺凡八百餘里與邈水合邈水源自青唐宿

軍谷正東流五百餘里過三巴站與黃河合又東北流過土橋站古積石州來羗城廓州構米站界都城凡五百餘里過河州與野龐河合野龐河源自西傾山之北水東北流凡五百餘里與黃河合又東北流一百餘里過踏白城銀川站與湟水浩疊河合湟水源自祁連山下正東流一千餘里注浩疊河浩疊河源自刪丹州之南刪丹州下水東南流七百餘里注黃水然後與黃河合又東北流一百餘里與洮河合洮河源自羊撒嶺北東北流過臨洮府凡八百餘里與黃河合

又一日至蘭州過北十渡至鳴沙河過應吉里州正東行至寧夏府南東行卽東勝州隸大同路自發源至漢地南北澗溪細流旁貫莫知紀極山皆草石至積石方林木暢茂世言河九折彼地有二折蓋乞兒馬出及貴德必赤里也

思本曰自飛水與河合北流過達地凡八百餘里過豐州西受降城折而正東流過達達地古

夫德軍中受降城東受降城凡七百餘里折而
正南流過大同路雲內州東勝州與黑河合黑
河源自漢陽嶺之南水正西流凡五百里與黃
河合又正南流過保德州及與州境又過臨州
凡一千餘里與吃那河合吃那河源自古宥州
東南流通陝西省綏德州凡七百餘里與黃河
合又南流三百餘里與延安河合延安河源自
陝西蘆子關亂山中南流三百餘里過延安府
折而正東流三百里與黃河合又南流三百里
與汾河合汾河源自河東朔武州之南亂山中
西南流過管州冀寧路汾州霍州晉寧路絳州
又西流至龍門凡一千二百餘里始與黃河合
又南流二百里過河中府過潼關與太華太山
綿亘水勢水可復南乃折而東流大槩河源東
北流所歷皆西蕃地至蘭州凡四千五百餘里
始入中國又東北流過達達地凡二千五百餘
里始入河東境內又南流至河中一千八百餘
里通計九千餘里

國朝河南總志所載河源及流雖略于古說然詳于近蹟今亦附錄于後

黃河源出西蕃星宿海貫山中出至西戎名細黃河繞崑崙至積石經陝西山西境界至河中潼關流經河南之閩鄉靈寶陝沔池新安濟源孟津孟鞏溫汜水武陟河陰原武滎澤陽武中牟祥符尉氏陳留通許杞太康睢陵寧歸德諸州縣至直隸亳縣馬丘村合馬腸河城西北合渦河東至直隸懷遠縣之荆山合淮其在孟津西有楊家灘西北有羅家灘杏園灘馬糞灘築護民堤三百十五丈永安堤一百二十丈以防漫流又有支流一自祥符縣西南八角決八安家河一股從朱仙鎮開店流經尉氏一股從三里岡劉岡流經通許北境俱至扶溝鐵佛寺合流經西華會沙河潁河入北河又經商水項城之南頓至直隸壽州西至正陽鎮合淮一自祥符縣白墓子岡決入流經通許杞太康之馬廐集舊名馬廐河又經柘城縣鹿邑東北境合渦河至亳縣北關仍入本河合淮俱入海

治河通考卷之二

竇大夫太子少保荆部尚書翦巡撫河南等處學士都察院右副都御史吳輯

河決考

河徙壅附

周

定王

五年河徙矜礫

晉景公十五年穀梁傳曰梁山崩壅河三日不流
晉君召伯尊伯尊遇輦者問焉輦者曰君親素縞
帥羣臣哭之既而祠焉斯流矣伯尊至君問之伯

尊如其言而河流左傳曰伯宗

漢

文帝

十二年冬十一月河決酸棗東潰金隄

武帝

建元三年河水溢于平原

元光三年春河水徙從頓丘東南流夏復決濮陽瓠子注鉅野通淮泗澆郡十六

元帝

永光五年冬十二月河決初武帝既塞宣房後河復北決於館陶分爲屯氏河東北入海廣深與大河等故因其自然不隄塞也是歲河決清河靈鳴犢口而屯氏河絕

成帝

建始四年夏四月河決東郡金隄灌四郡三十二縣居地十五萬頃壞官亭廬舍且四萬所

河平三年秋八月河復決平原流入濟南千乘所壞敗者半建始時復遣王延世作治六月乃成

鴻嘉四年秋渤海清河信都河水溢溢灌縣邑三十一敗官亭民舍四萬餘所

王莽

始建國三年河決魏郡泛清河以東數郡先是莽恐河決爲元城塚墓害及決東去元城不憂水故遂不隄塞

唐

玄宗

開元十年博州河決

十四年魏州河溢

十五年冀州河溢

昭宗

乾寧三年夏四月河漲將毀滑州朱全忠決爲二河夾城而東爲害滋甚

後唐

莊宗

同光二年秋七月唐發兵塞決河先是梁攻楊劉決河水以限晉兵梁所決河連年爲曹濮患命將

軍婁繼英督汴滑兵塞之未幾復壞

後晉

高祖

天福二年河決鄆州

四年河決博州

六年河決滑州

齊王

開運三年秋七月河決楊劉西入莘縣廣四十里

自朝城北流

後漢

高祖

乾祐元年五月河決魚池

隱帝

三年六月河決鄭州

後周

太祖

廣順二年十二月河決鄭州滑州周遣使修塞周主以決河爲憂王浚請自行視許之周塞決河三

月澶州言天福十一年黃河自觀城縣界楚里村隄決東北經臨黃觀城兩縣隔絕鄉村人戶今觀城在河北隔三村在河南今臨黃在河南隔八村在河北官吏節級徵督賦租取路於州橋迂曲僅數百里每事多違程限其兩縣所隔村鄉擬迴管係所冀便於徵督候堙隄岸河流復故兩縣仍舊收管從之

宋

太祖

乾德二年赤河決東平之竹村七州之地復罹水災

三年秋大雨霖開封府河決陽武又孟州水漲壞中澗橋梁澶鄆亦言河決

四年八月滑州河決壞靈河縣大隄

開寶四年十一月河決澶淵泛數州官守不時上言通判司封郎中姚恕棄市知州杜審肇坐免

太宗

太平興國二年秋七月河決孟州之溫縣鄭州之

滎澤澶州之頓丘

七年河大漲感清河凌鄆州城將陷塞其門急奏以聞詔殿前承旨劉吉馳往固之

八年五月河大決滑州韓村泛澶濮曹濟諸州民

田壞居人廬舍東南流至彭城界入于淮十二月

滑州復言房村河決

原本作九年誤

淳化四年十月河決澶州陷北城壞廬舍七千餘

區

真宗

咸平三年五月河決鄆州王陵埽浮鉅野入淮泗水勢悍激侵迫州城

景德元年九月澶州言河決橫壠埽

四年又壞王八埽竝許詔發兵夫完治之

大中祥符三年十月判河中府陳堯叟言白浮圖村河水決溢爲南風激還故道明年遣使滑州經度兩岸開減水河九月棣州河決聶家口

五年正月本州請徙城帝曰城去決河尚十數里居民重遷命使完塞旣成又決于州東南李氏灣

汴水通考卷二
六
環城數十里民舍多壞又請徙商河役與踰年雖
扞護完築裁免決溢而湍流益暴墾地益削河勢
高民屋殆踰丈矣民苦久役而終憂水患

六年乃詔徙州于陽信之八方寺

七年詔罷葺遙隄以養民力八月河決澶州大吳
埽

天禧三年六月乙未夜滑州河溢城西北天臺山
旁俄復潰于城西南岸摧七百步漫溢州城歷澶
濮曹鄆注梁山泊又合清水古汴渠東入于淮州

邑罹患者三十二

仁宗

天聖六年六月河決澶州之王楚埽凡三十步

明道二年徙大名之朝城縣于社婆村廢鄆州之
王橋渡淄州之臨河鎮以避水

景祐元年七月河決澶州橫壠埽

慶曆八年六月癸酉河決商河埽決口廣五百五
十七步

皇祐元年三月河合永濟渠注乾寧軍

二年七月辛酉河復決大名府館陶縣之郭固
四年正月乙亥塞郭固而河勢猶壅議者請開六
塔以披其勢

嘉祐元年夏四月壬子朔塞商河北流入六塔河
不能容是夕復決溺兵夫漂芻藁不可勝計令三
司鹽鐵判官沈立往行視而修河官皆謫竄

神宗

熙寧元年六月河溢恩州烏欄隄又決冀州棗強
埽北注瀛七月又溢瀛州樂壽埽

四年七月辛卯北京新堤第四第五埽決漂溺館
陶永濟清陽以北八月河溢澶州曹村十月溢衛
州王供時新堤凡六埽而決者二下屬恩冀貫御
河奔衝爲一

十年五月滎澤河決急詔判都水監俞光往治之
是歲七月河復溢衛州王供及汲縣上下埽懷州
黃沁滑州韓村乙丑遂大決于澶州曹村澶淵北
流斷絕河道南徙東匯于梁山張澤灤分爲三派
一合南清河入于淮一合北清河入于海凡灌郡

縣四十五而濮濟鄆徐尤甚壞田逾三十萬頃

丘濬大學衍義補曰此黃河入淮之始然比時

其支流繇汴入泗至清河口入淮者耳

八月又決鄭州滎澤

元豐元年四月丙寅決口塞詔改曹村埽曰靈平

五月甲戌新堤城閉口斷流河復歸北

三年七月澶州孫村陳埽及大吳小吳埽決

四年四月小吳埽復大決自澶注入御河恩州危

甚

五年六月河溢北京內黃埽七月決大吳埽堤以

紆靈平下埽危急八月河決鄭州原武埽溢入利

津陽武溝刀馬河歸納梁山灤

七年七月河溢元城埽決橫堤破

八年三月哲宗即位宣仁聖烈皇后垂簾河流雖

北而孫村低下夏秋霖雨漲水往往東出小吳之

決既未塞十月又決大名之小張口河北諸郡被

水災

哲宗

元符三年四月河決蘇村

徽宗

大觀元年丙申邢州言河決陷鉅鹿縣詔遷縣于高地庚寅冀州河溢壞信都南宮兩縣

政和五年四月辛卯高陽關路安撫使吳玠言冀州棗強縣黃河清詔許稱賀六月癸丑太師蔡京請名三山橋銘閣曰纘禹繼文之閣門曰銘功之門十月辛卯蔡京等言冀州河清乞拜表稱賀

宣和元年九月辛未蔡京守言南丞管下三十五埽今歲漲水之後岸下一例生灘河行中道實繇聖德昭格神祇順助望宣付史館詔送秘書省

二年九月己卯王黼言昨孟昌齡計議河事至滑州韓村埽檢視河流衝至寸金潭其勢就下未易禦遏近降詔旨令就畫定港灣對開直河方議開鑿忽自成直河一道寸金潭下水卽安流在役之人聚首仰歎乞付史館仍帥百官表賀從之

二年六月河溢冀州信都十一月河決清河埽是歲水壞天成聖功橋官吏刑罰有差

元

世祖

至元九年七月衛輝路新鄉縣廣盈倉南河北岸
決五十餘步八月又崩一百八十三步其勢未已
去倉止三十步

二十三年河決衝突河南郡縣凡十五處役民二
十餘萬塞之

二十五年汴梁路陽武縣諸處河決二十三所漂
蕩麥禾房舍委宣慰司督本路差夫修治

成宗

大德元年秋七月河決杞縣蒲口塞之明年蒲口
復決塞河之役無歲無之是後水北入復河故道
二年秋七月大雨河決漂歸德屬縣田廬禾稼
三年五月河南省言河決蒲口兒等處侵歸德府
數郡百姓被災

武宗

至大二年秋七月河決歸德又決封丘

仁宗

延祐七年七月汴城路言滎澤縣六月十一日河
決塔海莊東堤十步餘橫堤兩重又決數處二十
三日夜開封縣蘇村及七里寺復決二處

恭定帝

恭定二年五月河溢汴梁

三年河決陽武漂民居萬六千五百餘家尋復壞
汴梁樂利堤發丁夫六萬四千人築之

文宗

至順元年六月曹州濟陰縣河防官言六月五日
魏家道口黃河舊堤將決不可修築募民修護水
月堤復於近北築月堤未竟至二十一日水忽泛
溢新舊三堤一時咸決明日外堤復壞有蛇時出
沒於中所下椿土一掃無遺

順帝

至正四年夏五月大雨二十餘日黃河暴溢水平
地深二丈許北決白茅堤六月又北決金堤竝河
鄆邑濟寧軍州虞城碭山金鄉魚臺豐沛定陶楚
丘武城以至曹州東明鉅野鄆城嘉祥汶上任城

等處皆罹水患民老弱昏墊壯者流離四方水勢
北侵安山沿入會通運河延袤濟南河間將壞兩
漕司鹽場

五年河決濟陰漂官民廬舍殆盡

六年是歲河決

二十六年春二月黃河北徙先是河決小疏口達
于清河壞民居傷禾稼至是復北徙自東明曹濮
下及濟寧民皆被害

國朝

洪武二十四年河決原武之黑陽山東經開封城
北五里又南行至項城經潁州潁上東至壽州正
陽鎮全入于淮而故道遂淤

永樂九年復疏入故道

正統十三年又決滎陽東過開封城之西南自是
汴城在河之北矣又東南經陳留自亳入渦口又
經蒙城至懷遠東北而入淮焉

天順六年河溢決開封城北門滄毀官民軍舍

弘治二年河徙汴城東北過沁水溢流爲二一自

祥符于家莊經蘭陽歸德至徐邳入于淮一自荆
隆口黃陵岡經曹濮達張秋所至壞民田廬

六年夏雨漲遂決張秋東岸并汶水奔注于海運
道淤涸

正德四年九月河決曹縣楊家口長四百五十丈
水深三丈奔流曹單二縣達古蹟王子河直抵豐
沛舟楫通行遂成大河

五年二月起工修治至五月中雨漲埽臺衝蕩不
克完合

八年七月河決曹縣以西娘娘廟口孫家口二處
從曹縣城北東行而曹單居民被害益甚本年四
月二十四日驟雨漲娘娘廟口以北五里焦家口
衝決曹單以北城武以南居民田廬盡被漂沒

附錄

黃河故道

古自陽武北新鄉西南入境東北經延津汲胙城
至北直隸濬縣太伾山北入海卽禹貢導河東過
洛汭至于大伾處地至魏郡鄴縣有故大河在東

北直達于海疑卽禹之故河也周定王五年河徙則非禹之所穿漢文帝十二年河決酸棗東南流經封丘入北直隸長垣縣至山東東昌府濮州張秋入海五代至宋兩決鄭州及原武東南陽武南流經封丘于家店祥符金龍口陳橋北經蘭陽儀封入山東曹縣境分爲二派其一東南流至徐州入泗其一東北流合會通河

國朝洪武七年至十八年二十四年陽武原武祥符凡四度滄沒護城堤又決陽武西南東南流經封丘陡門祥符東南草店村經府城北五里東過焦橋南過蘇村至通許西南分九道名九龍口又南至扶溝太康陳項城諸州縣境入南直隸太和縣合淮正統十三年河溢仍循陽武故道直抵張秋入海今皆淤平地其自滎陽縣築堤至千乘海口千餘里名金堤自河內北至黎陽爲石堤激使東抵東郡爲平剛西北抵黎陽觀下東北抵東郡津北西北至魏郡昭陽又自汲縣築隄東接胙城抵直隸滑縣界西接新鄉獲嘉縣界東南接延津縣

汴河通考卷二
界名護河堤在滎陽縣東南二十里中牟縣東北
境名官渡卽曹操與袁紹分兵相拒處築城築臺
皆名官渡在汲縣東南境名延津置關亦名延津
又置關名金堤在新鄉南境有八柳渡皆因河徙
而廢

國朝于祥符置河清巡檢司清河大梁陳橋三驛陳
橋遞運所封丘縣置中灤巡檢司中灤新莊二驛
儀封縣置大岡驛大岡遞運所通許縣置雙溝驛
太康縣置義安驛長領遞運所扶溝縣置崔橋驛
陳州置宛丘驛淮陽遞運所項城縣置武丘驛皆
因河徙而革

黃陵岡口塞於弘治乙卯築三巨堤而防護之逼
水南行運道無虞矣正德癸酉巨浪橫奔頭堤二
堤俱打在河南止存三堤暴水湧衝堤去十分之
八總理副都御史劉愷齋沐致祭退百二十步事

聞

朝廷

天子遣劉愷諭祭謝焉正德丙子又北侵水至大堤

欽差總理河道工部右侍郎兼都察院左僉都御史
趙璜同曹濮等處兵備兼理河道吳漳於春三月
沐浴齋戒以祭河神夏六月水發漳又潔已而祭
遂遠退八里

王氏炎曰周定五年河徙已非禹之故道漢元
光三年河徙東郡更注渤海繼決于瓠子又決
于魏之館陶遂分爲屯氏河大河在西屯河在
東二河相竝而行元帝永光中又決于清河靈
鳥河水分流入于博州屯河始壅塞不

通後二年又決于平原則東入濟入青以達于
海而下流與潔爲一王莽時河遂行漯川大河
不行于大伾之北而遂行于相魏之南則山澤
在河之瀕者支川與河之相貫者悉皆易位而
與禹貢不合矣

方氏曰建紹後黃河決入鉅野溢于泗以入于
淮者謂之南清河繇汶合濟至滄州以入海者
謂之北清河是時淮僅受河之半金之亡也河
自開封北衛州決而入渦河以入淮一淮水獨

受大黃河之全以輸之海濟水之絕于王莽時者今其原出河北溫縣猶經枯黃河中以入汶而後趨海清濟貫濁河遂成虛論矣

新安陳氏曰方氏得於身經目覩與諸家據紙上而說者不同合程王說而參觀之可見古今河道之大不同又因方說而後濟水之入河復溢出於河者顯然可見矣

治河通考卷之二終

治河通考卷之二終

治河通考卷之二終

治河通考卷之二終

